

养一斋集



養一齋集卷之九

山陽潘德輿彥輔

丙申年

仲秋之秣陵省止泉舅氏登舟述感

人生重知己肅然況我師我師母昆弟愛我同仁慈我年
十八九舅自京華歸當代稱宗工寂寞元亭開我方悲蓼
莪俵俵迷所之銜涕往問經謂我長文辭此事今推袁大
語了不疑豈料卅載餘慚負無瑰奇虛名挂人口覈實多
瑕疵輪蹶凋鬢須身世曾何裨嗒焉念我舅視我當益衰
八年不見面魂夢常往來魂夢恨倘恍書尺勞雁飛不如

卷一 齊集
一葉舟徑下無威遲五日可渡江叩門升堂階四海此舅
甥頭白猶相依青山照綠酒色笑交愉怡毋言老懷惡真
樂方在茲

秣陵我初游其時十六七綵衣侍杖屨奇氣自噴溢轉瞬
風木悲悲痛難殫述長江十二渡秋鷲翼始刷春官疊被
放我馬疲不歇幽州朔氣嚴雪片化毛髮朱門士鱗萃塵
上掩白日性褊恥奔走胸次堆崛磳南望江介山浮嵐抱
城闕少壯苦備嘗此境濯吾骨我舅澹榮利寓公乃築室
鍾阜蟠煙霞取爲駐顏術從之叩元遠冠蓋眞外物卻憶
童孺年出門傍親膝孤兒淚在眼年光悵飄忽再拜我舅

前天倫等親密從來骨肉恩窮老戀尤切長歌復三嘆葦
風夜蕭瑟

八月十三夜寶應對月

昨夜吾鄉月吹來八寶城故交在天際謂孔生河漢向人明

叢葦藏漁火高樓落雁聲此邦問耆舊喬木已榛荆故鴻博侍講喬公萊爲吾潘氏甥今其宅歸朱尙書

十四夜高郵對月

雙槩閣煙漱百蟲喧夜隄月華憐漸滿珠彩望終迷樹擁
孤城暗天圍大澤低文游客非昔旅泊句慵題

十五夜揚州對月

綠楊應記我三十度揚州雲水一揮手重來雪滿頭隋隄
猶月色歌吹寂中秋翻為居人喜清貧省宴游
近鹽務折閱民蓮水

金山舟次感興

我從淮南來漫漶無高原河湖互爭地那見坤維尊大江
日夜下萬狀驕瀾翻勃然一峯起雖小鐵甕門怒濤擊四
周檣空鎮魚鼈羣山但拱揖無此萬古根豈惟制百怪南
服為屏藩倚山劃一嘯身若橫海鯤揚州麗煙月滌盪歸
雄渾臨川歎抑塞濟世嗟徒論浮雲蔽蓬萊千里傷鞿魂
思登高臺顛驪首攀天闔雲扉叫未開文豹當頭蹲愧彼

古頭陀石室坐不言迴橈且酌酒醉卧荒江村

新河舟中

雲濤片席過愛此波恬舒兩厓及尋丈水色彌有餘江邨
人宴歸林密風蕭疏眾鳥散平疇遠霞照蓬廬山椒幾葉
飛秋氣激太虛田禾亦已穫兒童寒澗蔬涉覽發長慨塵
鞅良超超浦橈不忍發嵐嶺將卜居

晴窗對岸啓雲木非一族居人養愚蒙清暉自然足老龍
安深潭江靜睡亦熟縹緲攝山峯孤樹表秋綠跳泉清昔
聽浮靄快今矚已似香臺下松濤動僧屋樵夫笑指路夕
陽遞川陸言尋舊禪牀蒼苔踐幽躅

卷一 齊集
三
謁方正學祠遂至壽池山房

建康郭外萬山合木末一亭依太清老子閒游多古意大
忠餘憤作江聲春秋事不問家國師友倫原共死生草草
六朝同傳舍詞章幾輩是時英

含淚高歌授命辭下山草木有餘悲復登傑閣一憑眺誰
似長江無盡時萬壑秋聲儘蕭瑟孤峰日色未迷離長干
賦別銷魂地獨有茲游慰我思

奉別止泉舅氏

見難別苦易此別況衰顏骨肉一江隔煙波雙淚還更聲
促柁酒鐙影戀柴關北固登高日吟魂在蔣山

江舟贈別盧斌夫

江流日夜東萬態迭新舊昔別君未婚

杜句

送我涕霑袖今

來君產兒顧我貌益瘦我爲幽燕客體尪志不就君居佳

麗都氣質善矯揉弱冠文史場不逐裙屐秀聞歌急迴槩

輓疆決志毅銅丸飛深宵銀刀爛白晝頗鍊封侯骨痛刷

豎儒陋狂歌拂雄劔獨立古賢後袞袞篷窗談膽識狹宇

宙晚泊石頭郭風雨谷懸濶大江曉色動洪濤萬馬驟開

襟爲君酌勛君業日富丈夫廓樹立匪以智力鬪將此赤

子心衽席溥在宥彫劫喟滿眼瘡痍恃誰救翩然大燾過

伐鼓津吏候安知繩樞中九月衣未授我滯若病驥秋風

臥殘廢君爽如快鶻霜翮養豐茂惡鳥擇一擊啁噍獲老
壽挺挺仁者勇家學標世胄望深言苦長年盛願須副岐
塗腸九迴欲行眉屢皺邗江計乖分潤州姑宿畱金焦攬
江海泱泩極天覆共持茱萸酒胸腹濯塵垢快意百年僅
此別幾時覲沿江折衰柳清淚漬衣透

寄陸藝林太常

不見太常今幾年燕山南望阻風煙每慚阿士文章美

藝林

爲止泉
鼻壻

深識秦嘉夫婦賢君得黃花關老屋我隨秋雁落

江天延令只在雲低處把酒臨流意邈然

京江舟次雜書

宮殿銀山最上頭，坐看千里雪濤流。
阻風中酒年年事，又倚江南一寺樓。

四圍山色扶仙閣，萬古江聲入酒杯。
飲銀山道土山閣上醉倚危欄

問羽客聽琴多少大魚來。
道士善琴

黃葉西風送遠鴉，雲天一角是吾家。
江山如此英雄盡歸

掩柴門對菊花

揚州訪毛子喬

大息毛生老齊名，少小時朱顏終勝我。
喜色乍生兒子喬今年

五十八乃得子秋，雨依螢苑春雲隔。
鳳池平山菊可把解纜復相

思

灣頭夜泊

隋代山光寺月高僧閉關茱萸灣上泊不見江南山石牖
水何怒江聲到此閒臥參喧寂理身定夢魂閒

過湖

飢雁雨猶叫蘆花秋自開人家未盡處湖水接天來

野雁

野雁風吹下飛飛近我舟尙存霄漢念豈善稻粱謀朔漠
半年雪南天萬象秋忍寒是汝分安穩伴沙鷗

野航

野航閒載我豈博濟川名樵牧能相狎波濤那用驚天青

弄雲水月暗識柴荆不繫真慚汝值個多世情

寄鏡渠

夏木繞君屋續續陰酒樽霜氣一以冽枝榦今何存我從
江介來落葉堆千村但見古山色蒼翠銜朝暎相思阻煙
水朔雁空飛鶩江濤日東下天道余何言

寒鐙照我心先哲起晤語萬卷圍兒童一觴剖今古畧具
甌石儲老子豈出戶溝壑終懷疑潛躍匪泰宇眼中鳶魚
妙飄忽若風雨往問三徑朋何術慰環堵

寄小庾

青雲高復高碧海深復深青雲不扶翼碧海可洗心海濱

田雖腴耕作力足任老親植藜杖稚子依書琴蓬廬煙火
通濁醪時一斟直北眺 丹闕羣鳳游芳林物生但飲啄
何者爲升沈大東浩滄波釣竿垂自今

竿綸雖云樂肥遯嗟非時豈有萬斛舟濟川終無期天河
流西南光耀徹四陲如何烏鵲毛橋梁命之爲俯釣六巨
鰲仰觀搏桑枝赤日吐暘谷羣陰埽離披將子且安坐泱
泱相娛嬉

清娛惜芳辰衰白別太苦燕臺一片月飛來我庭戶密坐
四海英揮手散如雨精誠與纏緜山川宛修阻野鴉叫衡
門高雁逝煙渚美人蘭漿遙西風淒蘅杜白日去不淹獨

立愴萬古竹老實未結歲晏益愁予
翬翬金石心荒遐其
時序

寄葉生

嶺南江右兩老翁

香鐵羽可

飄然去我如飛蓬漢北少年尺書

至指眼疾讀心忡忡京華軒幘走落驛何爲眷此山林客

三月不見人君夢我文一通長在壁文章豈足了君事邈

邈前修其肝鬲寒霜垂空萬星溼風吹我心往趙北淮流

漭沉橫我前几上瑤琴韻酸惻卻思老友雙淚流嶺雲漠

漠江悠悠勸君青鬢莫懷友風雨愁多易白頭

生有風雨懷人圖

題子履山水冊卽送之歸鎮洋

卷一 齊集
七
周道起飈塵黯黯不得語山川爾何物天地啓靈府裏糧
往從之關河易風雨煩憂紆復結塵拂汝累予

塵拂不可祛矧將別我友別我問安之故山有百畝大海
濤其東邱壑自潛守煙雲千里深孤鶴可回首

孤鶴欲南下白雲空裴裊不見谿山閒煙雨藏高齋或有
綺與角千載相往來古人尙不隔竝世何離懷

離懷日夜長欲語還默默驅車覽四方不如日居息天寒
霜霰多朱鳳亦垂翼去去勿復陳努力向泉石

子榦南歸過淮詩以誌別

竹屋斜陽鳥獨語夢裏佳人在南浦幽燕北風馬蹏健復

送高帆過吳楚欲行不行默凝佇期我河梁話離緒柴門
乍曉喚人覺箴舫輕寒伴鷗去鷗汀曲曲閒可娛谿翁三
五眞吾徒雙耳不納六合事瓦盆爛醉爲唐虞黃生君來
從上都飽聞皋契陳訐謨英年奮氣起射策瓊枝白璧天
下無荆山好定萬鎰價何爲蓄寶還鄉閭大江濤聲夜如
吼廬山積雪射南斗看君鶴氅有寒色淮陰肆上呼杯酒
卻憶長安酒肆人紛紛散漫如飛塵我手漁竿不復棄君
腰寶劍終有神撫劍高歌極惆悵落日高城臨莽蒼太行
左右螽蟻來千里江田可無恙黃生黃生歸路賒青山供
汝早梅花春風吹到江南雁先過淮干漁父家

寄羽可

我交老可纔幾年我別老可二百日交情跌盪忽過眼別

恨紆迴如疾疾曉屏湘竹淚汎瀾晚閣江鴻響蕭瑟楚州

一櫂不可東

羽可秋杪過淮距余家五十里不得見

魂夢無靈交臂失卻思

我髮不如漆九州幾人我親密我隱北山時薄游子誦南

陔豈思出天末碧雲遙復遙江水何由似溝洫方今亦天

網冒海隅眾流歎欲奔蛟魚何哉蓬嶠掣鯨手鑿采不供

明月珠人才變化貴神速之子木彊老尤篤嶽嶽朱門不

投刺袞袞華筵頻抵肉君不見會稽司空知好賢

謂吳梅梁侍郎

丹旒飄颻誰復憐撫州司賓愛佳客

謂黃樹齋鴻臚先生

退

朝霞

詎無青錢長川大鰲要蘭楫平原駿馬思金鞭腹中一奇
不得吐翁也六十宜園田恩江沄沄涵翠煙紫薇著花應
悵然何怪淮洲一老叟殘冬對月心悁悁願畱淮月江雲
在共此清寒萬古天

寄到渠

萬古江天月光明無盡年九秋朋友樂飄忽過如煙九月間與

到渠飲於銀山道土樓上斗室荒邨裏僊樓遠夢邊詩書接童卯琴酒

隔英賢倚竹寒猶立巡梅夜句眠苔階看葉埽石鼎聽茶
煎稼圃謀憐瑣旂常業判捐孤鴻宜草澤羣鳳久班聯淮
海栽誰澹瘡痍眾望痊危隄恃礎石守吏缺金錢憂患難

高枕身家只故氈建牙瞻袞袞越俎妄悃悃青史時耽讀
丹心觸涕漣百齡驚過半一笑勸隨緣穀賤餐仍飽蘿長
屋未穿暫牽巢父憤不著祖生鞭幽興吾真熟狂言孰與
宣停雲千里別皓魄幾回圓碧岫浮深琖銀濤涌大篇交
游徧寰海之子劇纏絲見雁頻書帛探山促放船相尋趙
承祐共弔柳屯田契合胸何滓飛騰句竝傳春江變醇酎
吟嘯忘華顛

寄孔生

北游太行麓南過長江濱一歲羣山川積氣歸衡門破屋
漏嚴霜中有萬古春古人竟未死烈烈回精魂開卷與指

讓銜栢如晤言但恨曜靈速遲暮名泯泯岷然策同志及
時書高勛

昊蒼育萬類我鄉雪何艱遺蝗屯江淮不雪皆羽翰人理
古有則天怒慎勿干夜夜爇名香朝朝拜靈壇鬼神愛赤
子劇於守土官百叫不一應九天誰叩關天關叩叩開白
日照肺肝溝壑是明罰眾庶宜省愆貴賤濯垢汗雪光如
海寬

母寡繫長組橐街震四夷蔥嶺萬餘里亭障如郊圻誰與
煽烽火莎車或焉耆或疑車師會新自咸陽歸驕黠相鼓
惑矛端火騰輝身都名王爵入侍爲伙飛朱纓臂奇鷹跪

養一齋集
拜如漢儀狡焉乞骸骨大壑還蛟螭絕域憂未紓我鄰况
喧豕側聞濟水陽嚴城磬鼓輦奇哀集么膺敢當弼戈麾
所憂急芻茭少府需不貲兵農貴柔遠富教有職司老儒
戢影坐恤緯徒歔歔

我有紫蘭佩臨風異芬發欲往遺所思燕粵阻天末咫尺
八寶城故人猶契闊淮水東南流似我腸鬱屈春風況吹
汝遙遙向 金闕鵷鷺喜竝棲老鶴忍爲別但去勿復顧

江湖易汨沒九霄民所瞻列宿方配月

小書習不歸人

僊人駕白鳳翱翔羣玉峯亦有跨赤狸娑娑凌虛空駢田
旣殊態際會各有終之子產淮滄清光誰與同晨鮮歌白

華入眼無纖穠甯咽冬竹雪不款春蘿風竹勁逢伶倫裁
爲十二箏懋哉調六氣民阜年以豐歲晏節不完吾其賤
如蓬

除夕題壁

閉關枕古書和煦如春曦出門時登高烈風驚我衣浮雲
聚爲族白日有蔽虧眾木愈頽靡臨霜無貞姿猗我好遠
古松柏相與期白日既不照慘怛中懷疑語汝勿疑貳元
命實自基翦綵飾荆棘終久傷吾肌窺戶見明光得不悌
天威

蒼天臨萬物刑賞斷惟允水旱非無繇威怒載精蘊王者

省歲功月日責卿尹下及士庶人食息敢乖躋毋言救世
拙一身慮凋隕我愆如塵積何敢怨窮窘偷食數十年非
仕亦非隱又見一歲除光陰疾於隼愆兢仰愧天奚以別
愚蠢

丁酉年

春日適阜甯觀海書院舟次述懷

我浮射水來直至東海隅海天盪胸次悔不爲老漁十年
踏京塵朱門絕走趨頗有傲物名青紫奚由紆歸來獲何
物朔雪堆鬢鬚煙水此閒樂况復攜琴書飄飄一葉舟茶
竈閒藥鑪高吟答權歌波涌雲舒舒孤篷寒雨聲舊夢宜

江湖老矣愛閒適鐘鼎非所須

飢溺拯無術將身匿茅茨胡爲盜虛名猶作一邑師受書
數十年省躬多瑕疵盱衡四海英抑志求適時風會水就
下砥柱今伊誰我昔痛狂瀾欲以隻手麾酒酣覽八極恍
慨杼襟期韓歐不克繼覽覽顏已衰覩焉就此都攬鏡長
嗟咨

將之眞州維舟城西游道觀作

江海勞生倦林亭靜者機孤城停畫槳斜日叩雲扉漁子
能高唱沙禽愛近飛無言坐苔閣老我未知歸

丹邱不可上白鶴好相知煙水澹如此塵沙悔太遲開軒

晚風定明日片帆吹多謝故林叟山田勸種芝

泊寶應孔生送余二十里外口占爲別

林陰萬頃湖衣上數聲雨靄靄春雲歸依依暮帆去

三汊河舟次偶書

隄柳絲絲引客愁半帆春雨過揚州平沙淺水隨風去倦

聽長江萬里流

飲真州十笏菴東到渠並示吳生

春水輕帆四百里美於燕趙踏黃埃江城蘭若竹尤密淮

海酒人胸頓開鳥語直從殘夜起鐘聲都入碧雲來故交

舉棧頻相約玉版詩禪不費才

酒酣更上拂雲亭

菴西文墩乃宋人東園拂雲亭故址

江介羣山不斷青忽

對東園思北宋可憐大地亦浮萍拈須吟客貪搜古行腳
殘僧說檢經等是塵塗心未淨沙鷗含笑向煙汀

題張玉農胥江送別圖

當筵酒仍綠別思誰可忍寒潮生又落高樓遠如近君聽
楓橋鐘宵清百愁盡

題陳生克家詩卷

道散文士多籍籍奮述作天心未窺見繁簡悉穿鑿鮮縹
正骨銷刻峭元氣削譬如冬與春專一豈橐籥陳生東南
彥德門世天爵朝霞翔紫鸞秋宇迴孤鶻準以竝世英名

字當焯爍返觀奇悟生極困真趣博百年闢周行兩儀授
靈鑰卻思文苑子虛名一紙薄妙齡各依倚衰老盡飄泊
傷我貌華皓精魄久外鑠得爾密相助歲暮幸有託鬱鬱
青松姿永保勿凋落

三月晦日坐十笏菴偶觀陶集欣慨交心詮次爲詩

索到渠和

出門靡所適動卽尋僧寮數日必叩扉風竹聽蕭蕭時復
啓北窗詠歌閒慕陶舉世苦有營斯人興何超我更如拙
鳩陰雨無安巢清境不我畱對竹心忉忉春盡人亦行蓬
轉隨風飈萬態舉如此遷轉非一朝持語素心人豪氣毋

潛消我羸久自知逐物還悞勞有生不自由徒悵朱顏凋
寄亭甫南昌

北來君上滕王閣南下吾登文選樓落落古賢猶在眼滔
滔江水自東流風潮儘送羈人夢燕趙還思竝馬游好是
蓬廬各安坐箸書不就已千秋

校王二波都尉詩

江雨欲畱客江風只送雲東西一江水沙鶴竟離羣把子
新詩本光如寶劒文何年班定遠早作杜司勛

與劉桐江泛舟平山卽送游松江

歐蘇不可作亭館自揚州牢落存吾輩江山入小舟壞牆

春抱柳孤笛晚臨流何暇悲興廢頻來我白頭

酒琰長安雪籃輿白下峯江頭又揮手送子下吳淞客味

葦鱸美離情芍藥穠

是日同觀芍藥

風帆一南北同憶廣陵鐘

余將

上返淮

高郵舟次寄懷通甫

甓社湖光清復清煙花何苦戀蕪城日斜獨立孤篷外水

闊天空憶魯生

邨樹團團麥秀天石榴如火又將然當時繫馬榴花下鳴

吧驪歌已一年

江湖漫送客舟還老我何曾解閉關渾似岸旁雙隻堠年

年風雨變容顏

僮陽山色遠嵯峨
儘爾開襟日嘯歌
莫爲黃壚王吏部
酒

痕不及淚痕多

沐陽王慈雨吏部新
逝與通甫爲至交

五月五日同人集王靜山宅作歌紀事

吾生不踏蓬萊峯
縱觀海水聽天風
關津南北幾飄泊
臨流一照成衰翁
海西孤城大如斗
登城遠見河朝宗
城中酒伴四三輩
河海逸氣蟠心胸
王叟六十興飈發
延賓令節逢天中
菖蒲九節不屑種
手栽墨竹梢凌空
朝來風雨夏虛壁
勁骨可敵蒼厓松
復就齊紈貌山水
攝山松濤來洶洶
松聲何似琴淵冲
橫琴不鼓真陶公
但聞枯棊響歷

落滿堂寂靜鑪香濃須臾四座忽絕叫永和妙墨騰蛟龍
琴書錯雜引謹笑簫聲一作齊斂容袁生審律追神聰
如簫史姿昌丰初學鸞鳳羣噤噤殿廷冠佩和且恭後如
礪谷微泉通孤嫠幽咽嗥寒冬自吟樂府亦淒烈西風殘

照悲無窮

袁木生善吹簫誦其詞云從
今後囑西風殘照莫更黃昏

古來得喪皆雞蟲

哀樂慎勿傷吾衷一客俯首默有會秦七黃九非豪雄高
歌太白綵雲句音辭適上摩蒼穹眾賓色轉侍僮喜傾壺
重進琉璃鍾更翻別調酒鱗動一簫一歌神怡融歌殘酒
斝我長喟少謀此樂今希逢當筵須髮白復白酡顏在映
榴花紅主人韻事太稠疊恨余浪跡爲煙鴻今朝曲室新

醅釀明日沙頭隨釣篷
潮平月落醒孤夢
新詞誰付商玲瓏
卻憑危樓望天東
海水汨沒浮鴻濛
神仙宮闕尙變滅
何況我輩相過從
出門夕照盪湖水
潮生潮落人事同
湖邊揮手影散亂
寥寥煙寺傳清鐘

吳生三十初度賦詩贈之時同赴邗上

黃河下天西如雷走滄海
氣大物不忌宏濟副眞宰
之子飲其流渾淪蓄光采
三十猶潛居命意貫千載
河聲吼不息壯盛業毋怠

叱馬滹沱陽叩舷長江上
剛柔水性殊智者養吾量
數年出必借古哲相指讓
絕業苦不就我老惟汝望
淮月光盈

川連袂發高唱

袁浦送孔生入都兼訊竹坪駕部

新柳覆煙艇送我南湖頭黃梅熟楚雨一樽還苦留子情
何繇繇我衰增子憂華髮當閉門飢驅仍薄游念子將遠
行臨岐言不休應官貴盡職惻怛非身謀長安不易居甌
石需綢繆南望白雲飛寸腸輪萬周

生時謀
迎養

躬勤心復勞

得不爲子愁萬事視時位多思乖內修保身卽悅親報

國何愆尤明年春雪融我馬過盧溝相見無佗歡精力恆
堅迥巍巍燕山峯浩浩淮水流爾我但金石毋爲兒女柔
爲我語韋郎此義非謬悠

高郵逢雲生

高沙城西波沆漭高沙城下船來往一船招手一船泊敬
亭故人歡撫掌自言舟車何日停娶妻小住晉陵城復挂
孤帆翦江水往送沙場大帥行君不見大帥牙旗卓射陽
千官夾道生輝光東南財賦四百萬欲貢天闕來彈章
朝擁弓刀照雲日暮攜僮僕趨窮荒窮荒險絕二萬里賓
客間之顏色死一朝勢散各萍蓬誰唱陽關戀知己李生
意氣今所無五百里來歌驪駒驚我白須願我嘆我自落
拓甘窟塗長安獻策盼富貴富貴於人非良圖冰山雪海
秉旄節何似煙波爲釣徒一笑恩恩解維去三十六陂天

欲雨平山六月荷花涼待汝碧筩酣綠醕

贈子喬

滄江橫我南長淮緒我西片帆落邗上雲濤洗天懷如何
歷世人錢刀爲娛嬉泊然愛我友默坐關荆扉故鄉幾車
笠邛山使人哀君恆爲寓公握手襟暫開相看雪蒙頭西
日戈難揮軒裳若路塵文章風花飛不如養壽命爾我藜
藿棲藜藿涵天淵曠蕩無窮期

觀毛生甫近詩用柳州飲酒韻贈之

雲物班太虛我知岱宗尊未緼極天氣霞虹猶苦煩投我
等身作不如話寒暄海壖一士來晞髮扶桑溫危樓發清

嘯歌吹音毋繁大化見根極累牘元無言洞轉閔龍虬巖
崇護蘭蓀皓首分靜契持葆吾所存

都轉衙齋小亭看雨二首效韋體一用其對雨寄韓

庫部協韻一用其對雨寄李主簿高秀才韻

江甸雲易生芳林暎如霧南風拂我衣涼雨至亭樹院荒
草木雜興廢識已屢舊宇遞延賞疇非羈客住

小亭如江舟四空風雨來溽蒸一以滌煙景離纖埃耽靜
老夫性祓煩化工才茲焉闕釣蓑披襟自低徊

登法淨寺平遠樓還飲湖舫作

地及揚州卑茲山遂寵窅巍然翠華駐厓隙齊華嵩衢

歌百餘年仰攀疑天宮珍木舒夏氣飄颻閶闔風荆吳江
聲長落此欄檻中羣山不吾障日力窮南邦繁華信稱首
民氣今可充鹽筴非遠猶何以陳 九重登高集華纓孰
繼安陽蹤

蜀岡似吳苑游者當耕織我亦蠹其間嘯傲傷酒食陰霞
暎陂陀深翠近無極微陽忽動盪滿觴湖天色退景來蕭
騷醉懷入悲惻文章愧鮑照佗事更何得江頭老友笑君
少髮先白彊言蒼松姿霜雪畏攻逼不若鄰舫子箏琶取

閒適

夏夜寄懷竹坪用韋蘇州夏夜憶盧嵩韻

高館散雨氣素秋生衣襟離居夏夜長斜漢隱半林感時
驗斗杓四舍循環斟佳人杳丹闕春鴻遺我音詠言發
天光使人羞凡今飛潛遠殊域孤夢甯浮沈

寄猗君

東郊翠幃車北市珠勒馬飛塵極九天不入衡門下拋書
觀西山日落下樵者我廬江雲中芝草長可把采之不見
君浩歌立荒野

寄廉峰

江湖積風雨吾意屬漁蓑縱入故人夢安知白髮多憐君
振玉佩倚閣日高歌窈窕西山月清輝近若何

與姚石甫毛生甫金山放舟宿焦山三夕作

太沖爲山川融結互根柢中江屹金焦涌溢寓知止陽厓
縱我櫂沿月出江浹水月亘青天萬象炯可指卻顧大海
東混混失終始斯人非元氣疾風捲溝水雄詞矜瀾翻簸
蕩積虧毀默默二千載獨立焦處士虛堂三嘆息怛焉中
夜起

萬流東不歸新日升樽桑迺悟物無盡心與江聲長端坐
寺前石風怒濤雷碾崩騰助我靜形殊神有常枕席過千
帆蛟龍各潛藏喧寂視其職遐慕皆迷茫白雲照我牖清
鐘殷我牀卽事如凌虛何假青鸞翔

高閣俯酌江一觴下溟渤暮色橫海來仰首見明月皎如
素心人飄飄降天末我友得二士六合量可括尙懷七閩
客松寥興清發亨甫曩寓松寥閣名其詩集聚散悲已愚况迺辨窮達
牢騷寢鬼瑣砂礫遞明滅摩挲蒼松根石壁倚巉絕毋忘
支離翁天風對晞髮

海門菴

余與生甫同游焦山三日尤悅海門菴風物之勝
菴扉恆晝閉藏山蔽海竹石負邃久無人聲對坐
移時迺去生甫將自爲圖識之且系以詩余晚交
生甫志甚合旣將言別復游無期慨深於樂亦賦

三章以紓鄙懷

大江吐朝旭光采驚我樓卻拄深谷杖白日爲冥搜入門
無所有野竹何修修專蓄山海氣成此林壑幽席端起馴
雀座下蟠潛虬俾我百歲心散落如浮漚荒哉羲燧人依
依與神謀非君悟霄壤孰與凌滄洲

洪流自有歸嘉會亦有止微言互沁骨離別從此始向來
金石交一室聚者幾深感蒼昊仁覲面已千載不見高臺
笏笙歌粲冠珥江潮去無跡枯酒豈足恃飄颻長淮帆浩
泐東溟水

生甫寶山人

永懷竹寺風餘清滿天海

別生甫

海右兩黃鵠天生披然南北飛北飛不上鳳城樓南飛直
度鰲江磯各各歸來啄荒澤煙雨相逢不相識長鳴一聲
雲天開對立沙頭諦胸臆沙柳汀花交有情海風忽起變
離聲高秋月皎一回顧淚作露華霏太清淚亦不可斷飛
亦豈能遠鬱鬱亂山橫荒荒白日晚君不見昔呼黃鵠今
白鳥志氣勃宰形衰癯別時聊問滄洲伴丹闕瑤臺今有
無

郡西別吳生

淮天落岸帆又見城西樓飛檠跨楚甸東南俯揚州揚州
地卑溽爾我胡淹畱蜀岡屢攜手遠山嵐氣浮不及枯木

堂雲濤狎龍虬，終然懷故廬。晝靜蘿煙幽，出門望禾稼。便
上谿翁舟，眼底懷葛人。胸中江海流，閒暇若相思。雞黍期
深秋。

題亦僑丈遺畫

澗水日夜去，人世亦迅湍。勝友若霜鶴，一一歸蓬山。宿草
淚滿掬，老我孤松寒。訪舊但存畫，野色清且寬。陂綠牛徐
行，柳陰滿柴關。無此一二頃，田塵沙竄滿。顏那如谿上翁，鄰
叟長往還。

冬日江行

平沙疏樹指眞州，忽豎危帆萬里流。袞袞雲濤如怒馬，飄

飄天地自閒鷗半瓶濁酒依鑪火一帶晴山入柁樓欲買
魚竿釣江雪蒼茫何處著羊裘

真州示張生匯陳生克家用江行韻

石閣招涼古潤州

夏間與二生游焦山

回帆淮水帶冰流不知白日

同奔駟還向長江作片鷗客至寒花猶繞榻談深缺月已
當樓風霜短褐成何事枉羨香山萬里裘

天寫寄生甫

天寫寄生甫

江頭青山色登樓宛然在明明夢中人求之邈雲海相知
不相見几席失光采名園履跡存草木貌已改秋實不作
佩春芳若翦綵孤弦霜夜音含情欲誰待漉漉滄溟波因

風贈蘭芷

不出送石甫之臺澎

海鼈低首鯨拔牙海圖不知毘舍卯牙冠使者外臺建極

天溟渤皆中華地銷折戟鋪桑麻穀歲三熟輸 天家蚶

江花明鹿港雨姚侯此行若庭戶十載重來作大府八閩

久已呼慈父我賦送行詩離別何所苦忽持明鏡看顛毛

春明塵土欺青袍白沙翠竹一舴艋夜開劔匣霜天高長

安肆中百壺酒揚州郭外千條柳老我同為乙巳人 昔楊景度

自稱癸巳人董思白自稱乙卯人戲用此例 尚累天南遠回首姚侯姚侯天下

無早持玉節來三吳江聲月色金焦最晚歲同為詩酒娛

晚步同張陳三生

江風醞冬燠苔院引深步借問羣草木穠春寄何處雙桐
葉偶悴枝幹挺霜露竝立佇我來鬱鬱相睠顧厥性中琴
瑟剛柔默以裕鸞鳳遠未巢高館歲華度感此屢徘徊百
端迭新故身世如野鶴天涯幾芳樹摩挲百尺材倚汝慰
衰暮

歸舟述興示吳生

江下南徐雪浪奔萬帆如葉去無痕我心只在焦山寺脩
竹清鐘晝掩門

卒歲勞勞倦不勝與君詩骨尙峻嶒東餐滄海朝霞氣北

飲黃河雪夜冰余將之阜甯吳生渡河歸

郡西與吳生別

三十六陂南風作送我歸舟射陽郭我歸那得堅閉門後
夜孤帆射湖泊江淮湖海十日中敝裘昔昔忘大冬客行
但愧主人厚詩多未算文章窮文章何恃恃良友卒歲蒼
涼惜分手回指連天岸柳青小驛疏梅來勸酒柳青梅白
含春煙雲開日轉長安邊壯游且挾吳季子雄辨還攜魯
仲連約元夕前與生及通甫同入都

歸自眞州復之阜甯舟次作

江柳含悽別谿梅匿笑迎蓬廬足高卧寒雨又孤征天接

層冰色潮來大海聲可如南紀客鯨背擁雙旌謂石甫

寄黃質菴通守

豪氣蒼茫隘九州歸來渾似壑藏舟自開風雪三閒屋俯
看黃淮二瀆流

...

...

...

養一齋集卷之十

山陽潘德輿彥輔

戊戌年

赴都入南西門作卽示孔吳二生

條風扇剡皇州萬物各有得于道塗閒昔年迤滯客白

髮忘昔悲青陽眇新色靄靄西山雲欣欣水南苑木顧我

如有情使我重大息我實非才賢青冥屢垂翼關吏顧我

笑老矣盍閒適非無江海心名義默相責區區冀誰憐姑

以殫我力矧我友朋樂廬旅若安宅入都主哦詩見元化

談道亦天職暄窗鳥嚶鳴和平曷胸臆

答海秋

春水故侯臺垂楊送客來
裘當五更雪車轉萬山雷
鄒魯經生席幽燕酒肆杯
我衰宜退舍風景尙低徊
題羽可畫竹
滿馬燕趙塵衝寒憫頭白
賴此屏障閒煙水數竿碧
沈陰爲古苔峻節亦霜柏
安得高天風吹來遠江客

再題羽可竹用前韻

鐙火四壁靜夜氣浩虛白
朝來看畫竹江海滿窗碧
有生不適意何異部婁柏
借此蒼龍騎去訪紫霞客

酒閒憶通甫與孔生聯句用前韻

東風吹海月暮入野雲白羣山負海去歷歷眼中碧有車
載奇石有酒澆翠柏早捉珊瑚鞭來伴金臺客

樹齋先生招飲卽席賦呈

溫雅梅堂宴春風被十年金尊慰長道銀燭照華顛文物
方操枋衰癯尙荷憐惟應受詩法高詠接羣賢

藻鑑

宸垣重英風海岱多論材忘老大

先生典試山左
得一十年七十

四此力輓江河擁腫樹纔古荒遐碑不磨徂徠松定在吾
意敢蹉跎

花朝同人集孔生齋分韻得拔字

西山對君廬嵐翠與煙活春風搖百樹酒鱗已潑潑舉腸

胸洞開滄海際天闊浮名芥其間離朱謂豪末如何失色
爭相依若裘葛文章頗奮筆勃勃愛難割據之爲長城銳
攻不可奪哀哉奚補益曾不救飢渴大抵百年內塵網密
難脫縱言益枝葉芟繁復芽蘖樂羣必虛受磨切非彊聒
萍蓬一分飛斯會憶忉怛舉首攀義輪萬動徒斃斃誰如
地有脊太行千仞拔

答亨甫

老我似松霜下立見君如月海東來風塵半世心初洗甫
白千秋首重迴信筆文章關氣運過門車馬幾英才何時
及爾崐巖上百尺飛泉注酒杯

再答亨甫

樓頭北斗垂天近，戶外東風動地來。
極論每如喬嶽聳，清詩要輓濁河迴。
本無離合同心友，不問升沈命世才。
玉勒雕鞍照都市，吾儕自進野人杯。

題林岵瞻樞部所藏赤壁圖次吳文定韻
風荻蕭蕭一葉舟，詞人歌換老漁謳。
南飛白鶴千年在，長見青天江水流。

卷盡風沙月在空，滄溟西畔太行東。
便須今夜拏舟去，痛飲危磯雪浪中。

題蕭晨柳陰兒奔圖

人間一棊局憂喜到兒童日暮各歸去空山柳自風

題文嘉摹雲林山水

安得清闕閣不然停雲館著我梧竹間煙嵐對餐飯休休
白髮人莽莽燕山晚

題林天素叢蘆宿雁圖

暝色阻高翼相將入蘆葦隱隱潮有風冥冥天在水朝曦
破羣陰卧者可以起

題董文恪園居野趣圖

尚書畫品似房山
紫禁朝回筆墨閒君看林亭幾邨落
祥風暄日滿人間

與梅伯夜坐聯句

對外豐宋堂海與樓典類忘寶

姚生騎蚪來海東
鳳樓別君今又逢
樓前楊柳青蔥籠
八方車馬如游龍
誰哉文采天下雄
探躡星海搖元穹
氣之所鑠千秋空
眼看蜃閣堆青紅
疾風吹落無形蹤
寂坐側耳飛冥鴻
塵沙四颯天朦朧
與君垂簾撫絲桐
洞庭赤岸羣靈通
乘煙挹袖朝琳宮
手擲藜杖聲隆隆
下與凡界開羣聳
盪滌煩穢和天衷
瑤臺宴散琴曲終
滄波回首心忡忡
淮南浙東千萬峰
相思相望春歷冬
今夕何夕曲室中
宮商悅豫調笙鐘
看我禿鬢如霜松
猶能痛吸琉璃鍾
聞道碧桃花正穠
攝衣共御神山風
莫乞丹砂爲葛洪
道

成自作東王公九垓萬禩游無窮

中宮贈孔生用通甫韻

多君帥家訓銘鼎食惟鬻爾來佐刑官

應列宿所貴光四燭美矣商元臣羹酒作鹽麴

奉題孔恭愨公畫蘭

奕奕猗蘭茂於泗濱紫英翠枝為天下春

崇高播其德馨式輔

奕奕猗蘭粲於豪素道術孔嫺藝亦天賦

光風騷人勿哀視此夷沖

奕奕猗蘭衍於孫子手澤攸暨朱堂瑤屺數典敢忘寶茲

萬年如彼星榆流光耀天

題慶伯蒼比部詩卷

碧雲十二樓高據崑崙邱中有嬋娟子霓裳帶紫球玉色

白難老修眉含古愁坐視雙丸奔浮煙憫齊州援琴鼓一

曲海白天悠悠此曲人不知知之雙淚流靈鵬去不息身

命皆蜉蝣滄溟化仙醪鄧林爲酒筍下與世人飲各壽三

千秋

春風敷桃柳飄蕩朱樓前欲持一時質傲彼松柏年稟氣
良有殊誰能奪其妍西嶺蔭喬木繆枝上參天含風掃落
葉雲露相新鮮誰能挹其芬昔有紫霞仙我將抱綠綺坐

此巖樹邊一歌酌美醕再歌還醉眠借問有何好冰霜恆
蔚然

答葉生

我來君不寐君喜我酸辛白髮有相念天涯能幾人須知

跋涉苦原為友朋親濟濟蓬萊殿何需老病身

別恨不須諱高臺宜嘯歌春風生薊樹白日走渾河大道

僑居近清琴樂事多長江連庾嶺回望涕滂沱

羽可香鐵相見無期

酒間示孔生二首仍用通甫韻

我思雲山間薄田供饘鬻遠師龐德公耕盃聚骨肉豈不

念無仕世態若轉燭雕輪颺朱塵有人障方麴

我詩日寒瘦如食僧廚鬻何能彎黃閒命中巧擇肉頽然
愧嘉賓良夜每刻燭祇當喚騶子車前話糟麴

夜與亨甫通甫孔生聯句

慷慨荆高幾輩存蒼山夜氣入琴尊百年落落窮愁骨寸
燭依依契闊魂寒角高城吹月色故園老樹長霜痕羈人
夢與桑乾水千里盤迴出薊門

次夜復與亨甫通甫孔生聯句

春風今夕寒殘月猶未出寥寥素心子欣嘆其一室江海
昔殊方闐處曠誰匹天風吹裳衣杯酒結膠漆煙鴻高不
翔暗鳥就林密浩歌夫何爲往者去我疾極苦塵土下車

馬送白日少讀莘渭書野老可元弼虛名老不就長鳴愧
鷓蟀勉矣毋多言千春志剛述

春風曉起與亨甫聯句

青山夢初轉白日澹已高一與羣動興慨然身世勞誰能
遣外物意愜隨所遭頗懷申屠生木石忘譏褒

高林暖清露飛鳥求其羣物猶無嫌猜機心化煙雲朋儕
戀生氣蔽隔由區分天宇眇翺集風和散游氛

都門望西山

太行東抱帝王州雲氣長飛五鳳樓誰立翠屏千仞上眼
看滄海接天流

爲雲生題朝鮮徐士敬兄弟書尺後

三千里外故人疏老眼昏昏盼使車
愁絕馬訾江水上潮歸猶問我雙魚

題龍門息心觀化圖

元化日在眼寸心苦不靜窮達旣怵迫毀譽復馳騁
死生禍福交厥憂更怲怲物態日以紛青天失光罔日月亘八極
頭上過風影騰此心沸騰身蚤墮簪井無身心迺息安得悟真境
江子齒方壯氣盛頗自警內觀心中天滋味極淵永我老益知返
與爾各深省

寄石甫

北斗垂垂倚檻前
老來酒伴滿幽燕
長風忽送我心去
飛渡鯨波萬里天

晚訪亨甫不值畱詩一章用前韻

城西日落羣鴉散
不見天邊獨鶴來
大道黃塵誰其語
小園碧樹自低徊
易求仙嶠千年藥
難得詞場百世才
爾縱多愁吾易病
春闈莫放夜深杯

將出禮闈作

槐影疏疏試院門
白頭言別轉銷魂
南宮風日春如畫
此味還教付子孫

述興與儉卿

長安縞紵多聲華相照耀我來愛閉門養疾非寄傲故園
素心子跋履時一到儀文畧冠裳言論析淵奧慨彼夸毗
徒要津樹旌燾勇進不知退鄉國鄙貪冒圖終實艱難恃
有雪霜操傾身金馬門青山遠含笑

西山吐白雲風吹入朱門朱門久不歸愧彼鶴與猿矧我
將薄笨九衢黃埃昏通塞隨所之何者非乾坤昨日家書
來買地增短垣可以蒔修竹清風祛我煩其餘命種菜歲
寒蔽其根人生各有適吾惟拙養尊

久不見廉峰書此代柬

兩年客江海魂夢遙因依如何咫尺閒顏色恆睽離亦知

保玉體閑關迺其宜嗟我難久畱別懷預淒其衰老此命
駕蹀躞非求知唯藉友生樂迴腸慰輞飢忽忽塵坳中陽
春去若馳與君幾言笑倏如隔山陂聞君園木嘉好鳥相
與飛虛窗靜思我如我思君時訊我南宮中官燭揚光輝
當有出羣語寰海爲羽儀覽書愧且嘆我病實不支逐隊
頌承平聲難協耳夔連夕疾稍退酒栝相愉怡鄰有七閩

客

謂亭甫

舊好日叩扉狂歌至夜分唱和如壘篋九陌多詩

人慶生獨清奇

謂伯蒼

能爲古人語哀樂關瘡痍張子與我

讀我爲長獻欵持以獻君前亮足清心脾此事卽元氣造

化通噓吹羣公坐不悟苦心求工詩非君秉通識疇與言

精微君健一快談白日開簾帷紛紛錦步障安用文章爲
題鄭稼軒大令振衣濯足圖

仰攀太華摘天星旋得長風跨海鯨可向茅簷低樹下方
塘半畝看雲生

贈別斌秋士武部

結宇陌塵裏亦趨郎署閒詩清竹上雪心遠江南山仕隱
古人合琴尊春晝閒勞君折楊柳爲我慘離顏
離顏對華髮含淚問來時塵世無長策江湖可釣師我真
甘放棄君好攝清羸莫遣高窗鏡吳霜上鬢絲

飲龍樹寺遂過龍泉寺

蘆葦齊青絮欲飛
桺條猶自絆斜暉
城南野色寬如海
忍放清尊拍馬歸
酒盡莫教高齒笑
雲生不覺白頭歸
蕭蕭飲享甫寓廬
醉中作墨世兼身
淡古隨河隨浦好
海天萬里汎孤槎
不見青蓮十丈花
惟有野仙騎白鹿
自邀明月勸流霞
數頃畧聞新葺竹
土雲心盡玉南山
山

題陳秋穀西谿夢隱冊子

林翠似山合
蘆白覺霜近
水際物自明
人外天無盡
夢醒短櫂歸
吾將就真隱
身身風到無
熱何白來
簾外樹不

題燕山話雨圖

蘇詩
余與通甫暨吳生寓孔生齋
八十日尊酒唱和無

夕不然賓主友朋之樂數十年未有也屬溫子翰
初作燕山話兩圖冊歸之孔生俾徵同志詠歌之
已皆下第將歸孔生悲愴不勝余亦鬱鬱難爲懷
題詩冊端旣以自遣且解孔生

垂楊不必畱班馬明月依然共一家別淚多於山下雨東
風將去作塵沙

與徐生大綸

天東風捲雲零落滿四野風力由大塊羣動胡爲者高臺
酒旣醕別淚數行下去去勿復道山谷自陶寫

南山有醜石見者交愕貽君乃別有取謂可供磨治

生以被放

日來執贄
稱弟子

大道在攻惡豈貴相愉怡與君此意長江水無

已時

別梅伯

南宮畫燭春如夢北道旗亭淚滿纓江海風潮千萬里都

來此地作離聲

墨綬銅章招我輩

梅伯來詩訊
余作宰事

石田茅屋戀詩人君知懷

葛陶元亮只戴東籬漉酒巾且領其

別竹坪

埽地焚香似左司松風盈指拂弦遲眼中江海詞人滿絕

愛韋郎五字詩

淮水南流愴別魂
燕臺今夕又離尊
十年看我垂垂老
長是單車出薊門

竹坪和詩來情旨斐然復作四首

風雪欲收水部

別意不可說
舉頭看太行
盤紆極天海
煙靄太迷茫
我欲尋芝草
峰迴已夕陽
驅車復歸去
使汝淚淋浪
鉢池山下路
真有古仙蹤
之子亦超逸
雲車駕白龍
紅塵姑蹠躩
玉色似從容
夜夜勞歸夢
摩挲霜澗松
慎勿憂吾老
餘生那足悲
羣黎紛夜枕
百歲一朝炊
梧暉得真契
松喬在此時
瑤臺不荒宴
何地使伸眉
或贈吾長劍
中宵枉作聲
垂楊生左肘
大漠不橫行
伏地

鬱無語升天骨尙清石泉幽咽裏與汝奏龍笙

海秋招同亨甫梅伯通甫孔吳二生飲尺五山莊畱

詩與海秋別

湯生戀我如兄弟日日牽衣輓玉驄別酒昨宵渾未醒開

筵又在水雲中

海內詞章幾勝流可憐去住等沙鷗馬頭忽見江鄉景都

欲齋錢買釣舟

雷雨橫空洗陌塵郭南花賸幾分春一亭風色涼如水惜

少搦箏勸酒人

疏籬轉轉入青林畧遣勞人一散襟尺五近天吾未信仰

看聞闔紫雲深

平砌新苔亂疊錢迴廊弱柳細飛絲如何一到搖鞭去不

看陂塘五月蓮

主人死抱園亭瘁墓道還餘水木清

莊之主人
歿即葬焉

畢竟一坏

誰是伴夕陽流水最無情

燕南旅次用儉卿壁土韻

余同寄
景亭甫

亂雲回望掩觚棱野態衰姿百不勝驛雨夢搖鷗外艇林

風愁颭馬前燈文章欲用都堂吏身世宜為石室僧澤雉

紛紛齊化鳳歸呼兒輩學飛騰

新之裝
却亭甫田

何指外雙

荏苒平夜送亭甫

余同寄
景亭甫只寓
樓州齊齊
遊海歸

卷一 五言集
惚恍辭京國，僮徊出鄭州。

亭甫兄寓鄭州，余為畱半日。

齊歌邀我聽淮

月為君愁，匹馬河漳晚。孤吟襄漢秋。

時亭甫由豫之楚。

何能化雙

鶴同上武昌樓。

四海知交滿，神傷此別離。夜風衫上淚，曉月鬢邊絲。大論

何關酒高名，且付詩洞庭。空翠好可有，結鄰時。

曩亭甫約余同居洞

庭西

山

再送亭甫

飄飄大雲太，弋之趾周游。九霄有滄匪，雨廓廓元絳。誰夷

誰阻天命勞，勞曷云其已。

爛爛華燭光，於逆旅寶哉。今夕吾眼有子清，謳未闌涕下。

如雨我不溝壑子來淮浹

不拍管河樹斷世者高里

惜惜玉琴拜而贈子海瀾既平哀怒時敘子不我棄囊之

千里遠哉素月間馨以喜

蘇軾詩溫瀾於古更甜

東阿憶亭甫當至東昌

蘇軾詩東阿亭甫當至東昌

東阿碧水暮潺潺疏柳平沙主權閒卻望聊城人不見亂

愁和鳥過魚山

蘇軾詩東阿亭甫當至東昌

東平旅亭

蘇軾詩東平旅亭

石橋流水漱泠泠小駐征驂為柳青酒畔閒愁忽棖觸半

窗山色似江亭

都下野景以江亭為最

命世風塵子子

宿遷道中述懷和通甫壁土韻即以贈別

走馬燕山去復來陰陰天氣入黃梅海雲變滅無仙閣野

水荒涼有釣臺鄉里小兒輕命世風塵老子倦論才惟應

古澗藤蘿月照我深宵激灑杯蘇青齊輒問愁愁跡賦半

數徧郵籤十數程壯懷空聽大河聲眼前道路同驢磨夢

裏雲山繞鳳城郭隗館荒春草合憤王祠在夕陽明廢興

千載渾無據浩浩洪流詠洛生對問吟望神越人不見

青門楊柳送人來有客高樓怨落梅謂亭南往武昌海近君尋徐

福島江清我上子陵臺擬秋間游浙極知相馬難依古更悟屠

龍不是才好勸靈均收涕淚開招出鬼共銜杯共乘雲之

浪說鵬風幾萬程荒陂飢鶴不能聲可憐濁世皆蒿里差

喜名山在管城老屋三閒秋夢遠大河兩岸月華明離懷
姑付邨牛笛千頃黃雲樂意生

郡東歸舟作

水邊亭子國門前春盡垂楊最可憐手擲玉杯飛馬去和
塵和淚下南天

荏平郭憶右安門新淚痕連舊淚痕家近黃河又揮手一
齊霑袖對殘尊

清江全受碧淮流冠蓋牙幢列上頭誰訊江南老詞客苧
衫桐帽短篷舟

輕航轉轉傷重闌淺水羅羅不受塵何日葦閒來結屋浴

鳥飛鷺最親人

晤靜山

湖水日夜流離思與不息一載不相見相見貴求益憐我
數千里來往爲名役問我勞悴中久困必有得聞言俯自
慚惺愚至我極古人遇拂意拜受若拱璧我作慣見事昏
柔瀆心魄忽聆執友語頭白亦奮激仰睇天宇空海氣晝
如墨怒雷挾龍雨百卉甲盡蹄物物各自振士也何所立
奔走文字塗何異市乞食外重中日輕弱草故難植客去
獨步庭雲陰散無跡檐端河漢明眾星垂歷歷靈臺快豁
朗內視有廣宅嗟此俄頃樂已獲石交力世人遠直諒如

田孰墾闢助哉愛桑榆回光半天赤

觀海書院晚坐示張生文瀚

廣陌風塵倦蕭齋草木幽雲低晴漏雨海近夏成秋時序
長征馬心情欲泊鷗春城花過眼曉鏡雪盈頭密友開書
橫衰年畏酒籌涼颺清獨坐暮色動遙愁天地容高枕江
湖待巨舟羣公勞擘畫匹士恣優游憶共金龜客閒披紫
綺裘醉談殊袞袞吾道忍悠悠短夢憐爭鹿多文笑汗牛
誰從碣石畔倒輓濁河流老我依蝸壁看人造鳳樓無栝
澆趙土有匣閔吳鉤一榻懸苔牖孤帆下葦洲南金真謬
負東道極綢繆

謂錢伯仁大令張鷟英詞富潘尼旅舍聞

新知來上谷舊好半神州易水離人感淮堧釣者謳世塗
成濩落身計任沈浮馬帳應慚鄭揚亭偶待侯編摩尙枝
葉勛績乃山邱七尺須眉在千年竹帛酬瘡痍韋布責歌
嘯鬼神謀恤緯餘哀涕治經抗好脩承肩如屬鼻失手盡
蜉蝣以此苔岑合無虛編紵投鶴慵聊倚檻鷹俊早離鞫
寂處含誠愴長吟勉壯猷岱宗存怪石或可礪琳球

題王惜菴越思圖

山平入淮路雲擁讀書樓樓上卷簾坐黃河天際流海風
吹越水鄉思發清秋應夢鴛湖畔菱歌起釣舟

相聞不相見故友感君深破屋孤兒淚分金長者心

亡友李少

白與君至交君
恤其遺孤甚力
葉飛同嘆逝菊老各悽吟何日買雙權山
房聽古琴

寶應劉烈女詩

女字同邑應銓母沒父酷貧于役山左以女歸應
氏未笄也既而銓病女潛割股肉和藥命婢進竟
不起服除舅姑謀嫁女馳書告其父既許之矣女
聞之大慟投水死嘉慶十九年 旌如例其族弟

寶楠徵詩

女曷名婦吾父使之哀吾惇惇吾依舅姑吾思吾母女曷
不終婦吾父使之哀吾惇惇吾違舅姑吾下從夫子吾穉

無食以夫生吾長無家以夫死吾肉豈不愛吾婦於應氏
吾身豈不愛吾不得婦於應氏冥冥蒼天吾哀吾命吾思
吾母

雁冢圖詩

康熙中寶應南邨寺僧獲一雁畜之數年其匹忽
飛集哀號良久互絞頸死僧感而立冢焉道光十
八年其邑劉子爲圖徵詩

中年痛連枝聞雁涕滿裳哀此患難中復植夫婦綱厥德
亞鸞鳳肫然含五常江天風雪深憔悴求稻梁彈射汝何
人得無少彷徨

哭靜山五首

靜山余三十年老友爲人沖淡貞介屢空晏如味
道講德臨沒不亂有陶徵士之風焉戊戌之夏余
至黃浦猶與冥游是冬復來奄然已逝悽泐於邑
不復能語爰集陶詩四百言爲之輓歌亦靜山所
冥契也嗚呼噫嘻

大象轉四時人生少至百賢達無柰何萬化相尋繹念我
意中人如何不嘆息慷慨憶綢繆樂與數晨夕幽室一以
閉寂寂無行跡嚴霜結野草落葉掩長陌寒氣激我懷銜
哀過舊宅靈化無窮已此士難再得

卷一 齊集
十一
原生納決屨被服常不完竟抱窮苦節邈然不可干君其
愛體素靈府長獨閒遂盡介然分誰云固窮難傲廬交悲
風窺竈不見煙厭聞世上語所說聖人篇孰若當世士一
心處兩端奄去靡歸期鬼神茫昧然

道喪向千載世俗久相欺與君相遇來高風始在茲雲鶴
有奇翼秋月揚明輝談諧無俗調言詠遂賦詩蕭條隔天
涯閒暇輒相思得歡當作樂良辰入奇懷清吹與鳴彈觴
至輒傾杯今復在何處泣然沾我衣

日月擲人去有生必有死客養千金軀達士似不爾應盡
便須盡清氣激餘滓有子不畱金志意多所恥清言曉未

悟不學狂馳子

易簧前一日召密友至各大聲規戒之復縱論古今學術無一語及家事

大鈞

無私力素心正如此覺悟當念還今朝真止矣邈哉此前
修當年詎有幾

蕤賓五月中臨流別友生初與君別時何意爾先傾白日
淪西阿倏如流電驚秋菊有佳色寒華徒自榮蕭條空宇
中何以稱我情歸雁鳴雲霄氣澈天象明慷慨獨悲歌懷
人在九冥人生似幻化吁嗟身後名

木果軒題壁

結茅爲小亭日日獨安坐庭草被霜盡此中有木果天地
氣所結綱大寓纖瑣物象易成熟人心得毋惰萬化相庚

續聚之乃在我養衰順時藏發生其當可

答孔生

白日去何疾寒梅開太遲猶希當世用極恨鬢毛衰婚嫁

願真畢行藏事可知肆筵看醴婦回首重予悲

與之二三兒婦先太孺

人之内姪孫女也痛與之失持已四十三年矣

親舊憐予病相關汝最深衣裳餘涕淚痛癢共身心雪虐

鮫藏壑峰危鳥息林文章為碩果

來詩中語

此事尚難任

化寓

不披窮島霧化寓豈無邊虹氣敢侵日極星長蓋天含沙

笑鬼蜮橫海有鯤鱸 聖代幽巖客韜光待舉賢

己亥年

觀海書院獨坐

默坐探大本閒步攬化育優游得解悟今古猶信宿萬境
可以齊吾其保淵穆

墓頭草

墓頭草何青青朽者自朽生自生蒼天順物非無情歡戚
避就人心不平君不見白日墜海昏見星地輪之下萬國
朝暎明

縱筆

五十年來骯髒身癡心獨埽世閒塵一腔熱血噴何處惟

把文章示後人

卷之十

心誠則神靈一氣蒸血氣何處

...

...

...

...

...

...

...

...

...

養一齋集卷之十一

山陽潘德輿彥輔

賦

幽惕賦

粵二儀之苟魄兮化烟燼以育人
養幽微以定命兮曷迭
邊以器真昔幼承平家誥兮鑽先哲之遺文循理道若符
契兮豈折桺以爲樊非徒條暢于義命兮良惕惕于一身
奉遺體以馳驚兮又終鮮乎兄弟執和氏而佩懸黎兮忍
取戾于失隊未歷邛崃之匡隰兮何平地而顛躓豈夙訓
之灌滅兮殆狂疾之爲累屢蹙竦于招尤兮奚今時之不

怨艾我昔橫扁舟于大江兮捫淫裔而不還薄潛龍之窟
宅兮探岳嵒而盤桓浪如山而浚漫兮變生歿于目前貪
游佚而蹈險兮古哲人之所患曾受責于友生兮誓肝腎
之永鑄弗心結而儀一兮終貽刺于風人抑吾豈獲已兮
蒙媢譏于大雅惟冒次之鼎魄兮莽嵒嶮而問何計生命
其匪蹇連兮詎奮飛其不可駕六駮以行遠兮恥倭遲于
道左威鳳高跂于雲扉兮吾何爲乎曠野招列缺以弭節
兮策房駟之駮馘俯蓬瀛之沕迭兮渺縣圃而在下訝閭
闔之不爲通兮虎與豹其謂我持狂言而問天兮滌長風
而心寫固豪情之激宕兮方希美于達者當局促之時態

兮實轉樂而爲禍親者閔我之顛越兮申金石之美辭結
中情之繆曲兮遂擊涕而滿懷古驩之不多觀兮豈私惠
相嫵媚念微軀之賤陋兮鮮交契之清徽匠石病其臃腫
兮量樞桀而棄之余又濯濯于物欲兮若大川之無隄狎
蝮蛇而親蝮蝮兮身枕蛟而掖螭疇疊疊以苦言兮藥耽
槃以肅祗何斯人之纏繇兮魂慙惘而憎哀遠含唏而續
愁兮心怵憚而泗洩余禱昧而不靈兮亦淡切而銘肌矢
終身之懔慄兮敢屢陷于非彝大道之亶亶兮允哲人之
所宅守至教以束身兮險摧萎而不易余非金璧之皜曜
兮詎自賤如瓦礫理潭潭而淡邃兮在棲神于淡宋凡躁

進以求合兮虞中途之屯蹶況亂德于逸蕩兮覆先民之
鴻則自診其姝下愚兮奚黜非之不力尙降心而辱守兮
集遐齡以淑德彼松喬之養命兮穴岳岷而爲家駐顏色
于丹瀕兮導離坎于中和安馳想于天路兮非吾人之所
嘉吾節欲爲養生兮飭幽獨于寤歌憎放達爲醜毒兮慎
几席于干戈謚匡敕以葆幽兮淪奧苑之菁華異桑門之
宋滅兮標眞諦于無遮彼彊屏而弗納兮實汗垢之駢羅
惟汶汶于降衷兮宜嗜好之殊科吾畏吾天兮滌眾穢之
萌芽全端倪于無朕兮降嘉福而孔多重曰吾邁弱質姝
魁雄兮攢羅百患裁藐躬兮懲往省來神忡忡兮猓猓發

悸戒厥終兮需穴出血壯趾凶兮柔剛交協守恪恭兮鬱
律歲魁無撓鋒兮頽頽睽睽無變容兮清甯悅念德鬯洪
兮懋迪斯訓無不聰兮

出表礪志賦

小省兮測用澁而榮榮兮

立佳人于竝世兮懷清揚之素輝曠昭藐而一顧兮乍通
辭而裴回指白日以照心兮贈明璫以要之願眷言其慎
修兮志靡閒乎合離蒙雖不蹈乎古訓兮幼考業于藝林
奉詩禮以植身兮日憂心兮欽欽恫隕越于層淵兮畏世
路之嶽崱仰化工之虛霏兮或黯黹于愁霏恃之子爲合
志兮誓磨礪于良金苟束修以飭事兮孰疲茶而不任陟

閶闔其匪高兮測瀛海其匪深
駕雙鵠以翱翔兮毋鳩媒
之亂我心疇不知匪幾之扣性兮
每悔惑于浮言枳棘錯
而造天兮蓬無麻而蔓延
臨回風而愴怳兮咸矢貞而勿
諛飲食蹙蹙其不慊兮悔昔誓而汗顏
思遵軌而得路兮
求荆璞之皎然璞軟軟而易缺兮厲符采以圖全
余眈眈而自艾兮終蹈非于前轅
詎憎規而斲楲兮立易方之故
也寒昨盟而不省兮憾用緇而染絜也
親戚進以良誨兮
面飾非而勿悟也世態總總其累心兮
志踧踖而未甯思
子而不見兮聊歛愉乎郊坰
步古道而莽莽兮日又晦乎
柴荆御金尊而不驩兮視華鐙而不明
天燻閶而闊遠兮

怨咫尺兮阻且長歸闔門而獨寐兮夢出入而徨徨念爾
我之索居兮茹煩苑于縈懷世方吹毛而索瘢兮彌弔景
而增哀雖蠶疵之未克兮亦有待乎風雷天之不可褻兮
輒易具此昭質終自投于濁水兮恐赤珠之難索占兌澤
而不講兮內懷忤于簡畢往信不可諫兮交砥錯乎異日
水瀦瀦循除兮春華覆階山林邃古兮抗言軒羲穿木榻
而勤恁兮啟瑤編于縈帷縱飛沈之靡定兮同嚮道而知
歸亂日子之明兮其誰昧之吾之過兮胡自蓋之江漢澎
澎其源大兮聖哲巍巍其德沛兮昭昭上帝慎自愛兮勞
勞日月逝將邁兮褊衷慊慊自保艾兮良時泄泄禍之最

今

此乙丑歲初交郭景遠時作今十有九年矣景遠安貧守介終不遇以歿已矣無規過人矣覆檢此文心折骨驚癸未仲冬自記

驅夢賦

主人晨起意動色沮矐眙噩夢數避無所因召趾離面赤發語呼曰爾來爾胡余苦我晝蕩詖萬物洞開爾之天地迫狹陰霾荆棘荒蕨刺人胃懷窳窳鑿齒牙角倭傀竄身入莽當道一豺贖齧吮血蠍蜴蜂虺百毒在右嚙膚近哉我晝宴佚出入安安爾督余戰會矛長鋌敵有十手叫突我前甫脫斫額伏弩齊關回首疾睽耳無全輪流盍黏腓

足不得旋奮刃一劘哮呬電奔喘逆未定糾纏滿身縛入
暗獄如繫孤豚我晝舒舒咏歌指讓爾招羣魑馭還跳盪
峩冠怪服山經無狀來哀我頸盥腦擢臍巨首突雲修脛
踏浪鬣鬣朱髮出日觥望么麼嘻嘻努唇肆謗舌澹指招
我如敗醬神魄憊畏數日凋卷我晝軒軒曲室廣庭爾拉
仄徑汙穢纏縈洩勃沒履春泥踉蹌十步蹉跌腥臭盈裳
輕身鋌走險逼井陘仰絕弱蘿俯陸溝阬略徇蜿蜒獨木
斜橫廣不及尺旁無攜擎吞舟出暴日光射睛欲上不上
雷濤震驚我晝枯宋志屏榮曜爾俯寵利汙我鏡照仕宦
駢湊萬足霖潦寘我其側蠅集蜂鬧我晝甯謚萬魔受降

爾幻邪態欺我愚公媁色蔽視姦聲塞聰螭首曼睩一曲
千缸縱恣妖蠱神蕩情燾使我太璞擊剝掙撻使我心田
非種耕糶我晝讀書聖經彬彬爾引浮屠稱說瀾翻閻浮
六道洞喝謾瀾前生後身怪僻顛眴我晝靜居名理凝醪
爾呼游魂尊曰僊伯招手太清謂倏拔宅與我縑書瑤函
丹冊謫諱不相陋似巫覡蔽芾靈明茅長榛塞我晝緘口
三問不荅爾攜辨客縱橫譎諧鋒摧穎鈍億萬譌雜令我
搖舌如轡出軌我晝閑閑謝絕餘事爾建愁城署我爲吏
百務懍懍謬輒抵罪心口有語如被刳剝衷手仰屋但聞
噓噓凡我晝無爾夜必有衝踏麴至不記妍醜襲我不備

蕩析紛糅和氏之類種稂之莠爾罪如髮律宐擊拊念爾
狎熟典從寬厚元州一咒非我所取東方善罵亦恐失口
命爾疾去颺竄免走依違反顧惟爾執咎趾離欠伸游目
不鷹良久拂衣向我而嗔曰子不德翳吾是憎昏矇晝夜
舍己繩人子心豁朗何物螫噬凡諸蛇虎乘閭鬪智子心
恬愉干戈不生几席慎毖龍戰清甯子心盈滿鬼羣來瞰
子心虛無百陰沖淡子心不洗起穢在己子鑑澄澄羣垢
如水子日所踐不軌中道自化蠶叢形子慄佼宦塗屏營
子實不貞晝僞遏蔽夜吐其情瞽色淫冶萌枿幾微子刃
不斬疾發如機僊佛悠謬中人陰曲衾影牽擢子蒼不熟

子早迨暮放論竭慮宵清籟滅亦此橫驚凡子有身此夢
如影不蹈夢區不燭心境人急富賢梁粟雲房人希清淨
華胥徜徉厥思艱淡洗胃鑿心厥慮研練飲爻吞篆吐鳳
懷蛟神物心超蝴蝶鸚鵡塵坵心浴貪榮者狂槐南有王
交物者蠱高唐有女心往夢往東聲西響子詡曉人神疑
志爽乃是不寢抑直爲枉我晝何居卽子之家非伺昏暮
蹂躪子廬爾我合體子母呿呿迓我四裔實孽我祛凡我
進退綽綽有餘主人間言愕然神悟无思无爲制節謹度
靈臺天春宙合海曙是夜趾離不知何處

南窗賦

大江之北長淮之東一士結屋端居其中大開南窗以招
遠風天高嘯長人閒慮空其爲地也廣但三丈深逾十尺
手鬻白茅足滑赤埴階無石嵌疏不綺飾日出東隅倒篋
攤書造化亭毒溟滓機樞千古偉人下交于余有子有子
蹒蹒來往長者旣冠次者舞象幼垂十齡蒙其可養說經
窗下奉我几杖柴門張羅父子嘯歌士不通方執友無多
望雲相思杖策來過晞古談藝狂瀾不波室藏尊酒獨飲
亦快釣者得魚破門而賣翛然一椽餐氣飲漉矯首抗吟
天地賞音手招太古口席凡今當我雄劍代我清琴雨檝
林薄縱日寮鄣東迎月生西送霞落桐露欲響荷魚半躍

葛帳垂垂藤花桁衣山鑪香燼蝙蝠細飛素月西流松陰
入扉窗虛夢清何成與虧煌煌京邑千九百里方春北行
霜犯骨髓維夏南歸汗滴鞭箠何似南窗風日清美峩峩
金臺朱門旦開車若流水朝辭暮來勢落命蹇棄如灰灰
何似南窗了無驚猜維此南窗背澗依泉身安傳舍心巒
蓬蒿有廬則愛豈翳慕陶重日窗受明光南協陽德陽贊
以陰明守以黑蒼晦隨時味道無極

養一齋集卷之十二

山陽潘德輿彥輔

論

天論

天無所不在人以爲人居天之中其實天日居人之中手持足行目視耳聽心實貫之見四體不見心謂非心得乎天在人猶心在手足耳目而已曰蒼蒼者天也天在上者也嗚呼人之二也柳子厚作天說謂天一大果赫癰痔艸木也其惡能賞功罰禍乎劉夢得作天論則謂天人交相勝或天勝或人勝信若二說是天亦一物與人竝立耳目

足耳目一身也心又一身也恐天之宐陞久矣夫人有喜
怒哀樂天陰陽晦明也天有風雨霜露人威德文武也此
其顯者也夫人之靈其靜而淵淵何也其動而浩浩何也
其動靜之交出入若有懼居處若有思何也雷電不在牖
日月不在室輒爲爲上顧輒爲爲左右顧信者何綽綽焉
天亦寬詐者何側側焉天亦迫淑者祥慝者哉其祥不來
其天已嬉其哉不隨其天已悲人不見也乃責天以命討
天曰命討在汝責天以哀矜天曰哀矜在汝夫汝已抱一
天而善而惡而禍而福而生而殺而貧而富而天何事焉
而天何日非事焉山之齒至久也水之澤至遠也天何壽

山山自厚天何助水水自裕此山水之天也故曰天物一而已矣傳記曰人定勝天又曰天道遠人道邇皆不知天者也然而天晝夜東西旋不息人坐而食天含育孳生爲萬物囊人梏而亾夫如是故怨天背天蔑天而天真遠矣而人乃非人

心論

存心則聖制心則惑今夫心之不可以制也其學始而爲原憲流而爲告子偏而爲楊墨溢而爲莊列矯而爲佛氏制心之說出於東晉僞商書而原憲已發之憲狷者也彼之美在有所不爲而告子則以之外仁義夫制心苦事也

其以此爲事而偏用之者楊爲我制心之仁墨兼愛制心之義彼其性豈無仁義哉將制之以爲學而以其學動天下也莊周列御寇見仁義之如是其苦心之如是其難制也一舉而歸之支離謬悠之說而謂爲桎梏而制心之禍烈佛氏見人心之終苦難制莊列之以支離謬悠者勝之而不能服也于是以宋滅爲心陽使天下之人不受制心之苦而陰率之以杳冥空虛遠無涯涘之言天下遂不從莊列而從佛氏而制心之禍彌烈脫令常守存心之言吾見人樂率聖人之教而不至爲異端惑也夫人見其是己之物而必舍去之何爲者也見其是己之物而必用力彊

伏之亦何爲者也此存心制心之說也醫者謂人曰汝病
在心當日以金鐵厭之則可乎亦驅其邪而已矣今人恆
受異端之惑而制心一言先童而習之吾見其心且十百
千萬紛有于中而不可制世變愈亟而機械變詐轉由此
肆起以交相危也悲哉悲哉誰不能存之而誰使制之

才論

輒可懼才可懼天下皆不才而我異焉吾懼其敗也禽無
才者也有鸚鵡之巧翡翠之采色獸無才者也有虎豹之
章熊羆之搏噬天生此聰明巧飾文章勇捷之才以異于
侏物而被禽戮則先焉夫才之敗也有二曰人敗之曰己

敗之其人敗之己敗之也亦各有二曰忌曰寵曰矜曰怠
居今世而不爲人所忌者庸人也故忌才者十九寵才者
十一有才者不能窺忌才者而爲忌才者所窺則敗寵才
而不當其才至于病國毀家則亦敗忌而敗之者十九寵
而敗之者十一寵才而不爲才懼則其禍與忌才者等雖
然人足以敗才哉忌才者傲才者也寵才者試才者也吾
日懼吾之敗則天下有百忌我百寵我者吾之才不以大
小勇矜且怠何也矜者氣不克靜其才則氣浮于才怠者
氣不克動其才則氣陷于才氣浮者人病氣陷者己病病
于人者敗身病于己者敗事萬物之才天爲大春夏發之

而非驕秋冬藏之而非吝其氣之剛柔善有以用之夫聖人之才亦若是已矣衰季之士恃才之異于人輕躁自喜以償其氣既身受才之禍又使天下受愛才之禍論者乃鑑物哀人以無才爲全其天而頑鈍闇怯之夫竊朝廷尺寸之柄以黜陟才士快庸人之志頽豪傑之聲辱鍾毓之心虧國家之體其始祇以有才者之不謹懼乃一敗至此夫懼者所以治氣之學也是故懼則成

鬼神論

有不邪之人心而後有不邪之鬼神今人之心日以造鬼神爲事人不止一心而鬼神之數遂繇三代以上其鬼先

聖先賢高曾祖考而已其神天地日月風雨山川社稷門
戶而已人之心一故鬼神之數簡鬼神之數簡故其誠立
而幽明交萬物治邪鬼不侵哲人淫神不享聖世心一故
也或曰心能造鬼神心未造而鬼或躍于前瞰于室何也
曰鬼神者氣也氣能通吾心而心所不可無者則鬼之神
之高曾祖考日月山川之類皆吾所不可無誠合其氣者
也其非吾之心而心動于鬼則亦鬼動于神則亦神者吾
之所可無特邪合其氣者也心未感而亦鬼而亦神天地
之間氣之偶厲者百吾弗見也者弗聞也者而其氣久則
滅吾祭享之廟貌之而其氣凝矣誠合其氣者心通也邪

合其氣者心造也其厲氣之出沒不常者彼亦能擊剝人
之心而心不爲之動則氣無所附以存而氣必械鄙儒不
達是物概謂之無夫高曾祖考日月山川之屬旣萬萬不
得無卽今日諸淫祀亦皆人心所設也夫心何所不有哉
謂鬼不可無財則府庫之謂神不可無配則夫婦之心立
而鬼神之變狀若鏤若繪心病目則聞心病目則見僊佛
一起鬼神如沙于是有道之諸天有釋之閻浮提僊佛遂
敢爲鬼神之淵藪雖高曾祖考日月山川之鬼神亦若惟
僊佛之言是聽從公卿不知恥閻閻不惜費至是而鬼神
之汙辱甚矣世愈衰則人心愈漓僊佛乘虛而入而假鬼

神以怖之故不敢不從也聖人之世無僊佛故無邪鬼神
無僊佛之邪鬼神故無生歿輪回報應之邪說而風俗正
忠孝純教化立雖及其季列國淫祀亦僭瀆于山川祖考
古帝王師佐而已不若後世之鬼神大壞風俗器忠孝稷
教化也嗚呼不席僊佛則鬼神日邪不席邪鬼神則人心
日亂居今日而有大聲疾呼席邪鬼神僊佛者亦正人心
之大端也夫

僊論

天下莫大乎生歿之道不知生歿之道者天下之大愚也
僊是也夫僊者豈不自以爲超出乎生歿外哉天下果有

超出乎生歿之道則欲超出乎生歿者莫先于天其能超出乎生歿者亦莫先于天天不能無晝夜明晦日月升降跼魄山川凝泐流澗是天不能不運行于生歿之中而僊者欲取天所不能而已能之非大愚而何其甘于愚者無佗謂僊鍊其氣氣鍊則不械不知有聚而無械者非氣也夫聖人之養氣行其所無事也以理養之而氣之聚械聽諸天岸爲谷星爲石而天常存少而壯老而歿而聖常存也若僊之養氣也攝之攝之者逆之也矯揉五藏以爲功躁動四體以爲學金石芝朮之物日攻其氣塞其氣氣日逆必暴歿也或曰古傳記載僊甚繇豈盡妄邪曰傳記之

餘有以談異爲樂者有輕信卽以傳世者有藉此蠱惑愚
夫婦售其術者蠱惑者立語言符籙談異者造居址姓名
輕信者求丹砂引導以一夫之愚而欲抗天地自然之數
以絕不能有之事而冀之旦暮之間故天下無真愚者也
有真愚者則求僊而已矣雖然豈無由哉今夫僊生于奢
佛生于嗇是故有梁武陳武之儉不中禮故佛乘其虛怯
而恫喝之有秦皇漢武之好大喜功故僊乘其夸詐而聳
動之富賢足則求壽考壽考不能不歿則求長生蓋憂怯
者多求佛淫夸者必求僊曰僊之長生不可冀其能養生
者多壽何淡惡之且僊者清虛其心者也世有清虛之士

其及于過者寡矣曰灌畦者農夫之職業守身者聖人之
宏指農夫不以灌畦過豐凶之大聖人不以守身昧生歿
之恆今將謂養生無益則人將以酒色爲日用以養生爲
有益則雖聖人不能不歿也是故養生有二順男女飲食
之常道以養生守身之孝也絕男女飲食之常道以養生
妄求之術也然則僊者并養生亦不知者也且生歿者天
地無私之道也僊欲不歿私莫甚焉何爲清虛哉以僊爲
清虛此老莊文列所以受封于朮僊之朝而爲罪之魁也
豈第不能寡過而已夫老莊文列并非僊者世人所見之
僊淡山絕壑中受山澤之氣厚有一二百歲不歿者目若

以所聞尸解者為僊則鬼亦僊矣夫佛猶西夷之一術若
 僊者合古今四海而無其人者也無其人而羣愚交以為
 有大者禍國小者蔑倫禍家費財禍身速死準以聖道律
 以王典蠱惑以求售術者受上刑輕信而傳世者受次刑
 談異為樂者受下刑

佛論

僊者偽其事者也佛者偽其心者也偽其事者惑人淺偽
 其心者惑人深夫僊本無其人小夫妄託其事耳其黃白
 丹汞入山絕粒人猶病其事之難而不從焉若佛則家奉
 而人說之矣何者佛有其人有其教又以論心為宗無黃

白丹汞之詭辭入山絕粒之苦事乍視之飲食生歿猶夫
人而其論別理致于人心探幽索微道體極高窮遠雖讀
書學道聰明絕特之士一不筌別則往往入其環中而不
能解今觀其論心也空虛者體宗滅者用世皆恐懼好樂
忿懣憂患不得其正之人一聞此言皆謂果能滅心卽諸
不得其正之患可以免而心之樂將大哉至于佛之前而
賢者忘其賢賤者忘其賤雖國家天下莫大之憂而習于
佛則皆可以蠲之殘身破家亂國害天下而奉之不敢二
蓋其制人者中人之要害也讀聖賢書三四十年不得其
解者聖人之論心踐實而難盡庸常而有準也朝聞佛言

夕則依歸不需時者佛之論心凡聖所有者佛皆以爲空以爲空則無所不至而皆可以證道君臣父子一舉而棄之而法無所可施焉故嗜僊者敗于術而悔嗜佛者終身由之至于老歿尙不知其畔岸徒以爲己不能盡而沒非佛之過佛之惑人也較僊尤黠則較僊尤酷故去僊易去佛難今之欲去佛者必論其因果報應輪回之妄此佛之餘論也使佛徒以因果報應輪回之說致人此可惑愚夫婦耳無能統賢智愚不肖而兼致之也佛先持心示人而賢智俯首矣世不皆賢智而論心者或愚不肖所不解則由心而生因果報應輪回之說而愚不肖又俯首矣兩設

其塗以動人之心而總以空虛宗滅收其窮曰爾不從則
將有因果報應輪回之慘從則億萬之因果報應輪回一
歸于空虛宗滅而無所拘攣係戀以苦其身與心既束縛
之又馳驟之而不懼報應者樂其論心昧于論心者懼其
報應東西各布一陳而佚寇鮮矣非天下之至黠者不能
有此周密之算鑿淡之謀也夫黠者售其術于前則人相
與戒于後而佛之久何也曰佛假人生而靜之言以論空
虛假克己無欲之言以論宗滅假惠吉逆凶之言以論因
果報應假終則有始之言以論輪回意有所微竊而貌有
所迴殊微竊其意則可藉之以動人于始迴殊其貌使人

既入之後不可復歸而其教乃可顯而與聖人相持故賢
智者既蹈于空宗而果報輪回之煩雖賢智亦莫得而非
之故愚不肖之信益堅而其教遂以不朽至細儒之聾瞶
而無忌憚者倡之曰三教而佛之禍真不可救矣曰僊養
生爲我者也近于楊佛度人兼愛者也近于墨然乎曰楊
氏爲我其言歸于絜身僊則穢雜甚矣墨之無差等卽佛
之平等也然賢同上賢猶近乎人世之爲若佛之空虛宋
滅則人之類絕矣絕人之類猶曰佛于三代後可爲養濟
院其理愈近似其患愈深遠故楊墨之禍不及秦而佛之
害遂二千載然則何以去之曰知其僞則去之矣空虛宋

滅無以爲人因果報應輪回無以爲天人生而靜該萬善也非空虛克己無欲皆中節也非宋滅惠吉逆凶氣之相孚如影響也因果報應瑣而遲終則有始聚散剝復不相襲也輪回無終焉有始是故假聖人之言者卽以聖人之言鏡之千季老魅能幻其術于人而不能逃其形于鏡也惜乎鏡日在人之側惑之者不一持而照焉又從而文飾之譯布之解釋之嗚呼佛心不僞不惑人人心不僞不惑于佛易曰可用行師征邑國也君子自治而後治人必使下自治其身上自治其國聖道粲然著于人心而後佛可去佛去而僊從之矣不然今日盡滅其教明日或有以

佛為不可去者夫天下尚有以佛為不可去者則佛之教

真去邪否邪

余近為黜邪家誠一書雜引成說之闕佛者而折衷之
以示吾子孫較此作頗賅悉然意初不外是也此作成
于庚午九月家誠成于丁亥二月前後相距十有八年
自記

夢論

礎潤而雨人雨也夢礎也有二人于此其一求富賢利達
者也其一不求者也其求者夜則夢冠蓋騶從出入不求
者亦如是何也不求者其心而動者亦其心心或動于三
歲之前三歲之後猶夢之目見求者而目往耳聞求者而
耳往雖不求必夢之矣雖然猶有跡也天下有必不能求

之物其求之實非事勢所有者而亦夢之何也夢也者思之變狀也天下之變有萬人之思亦有萬故夢不必卽其思而皆思之積人不能盡思之狀卽能盡夢之狀乎思于此必應于彼思則誠誠則通凡夢之驗于後者亦人自通之而非有假夢以告之者也故傳記之載異夢無足載者也佛以人之生爲夢莊列皆然愚者又以死爲夢皆不知誠耳不誠則不明不明則不知生之理故以生爲夢不知死之命故以死爲夢天地以誠施生日月以誠照臨山川以誠流行人物以誠孳息生死以誠往復合天地日月山川人物生死而皆概以夢其心之僞可知也天下無不思

之人雖聖人亦有夢謂至人無夢者亦僞言也夫聖人之異于人者氣清而不蒙夢純而不雜而已所謂誠也誠者通幽明晝夜而一之者也故君子思之以反諸身

聖賢英雄論一

孔子曰道二仁與不仁而已矣自古及今無所爲英雄也三代以下英雄之說興人快其可以騁私智也遂謂英雄之名出于聖賢之外而足與聖賢埒而其爲聖賢所不忍爲不敢爲者竟公然與聖賢爲讐而不自知其非嗚呼豈小禍也哉夫所謂英雄者將以爲一身爲英雄乎將以爲一身而又推之天下爲英雄乎如以爲一身爲英雄也則

無人不能自謀其身不足爲英雄也卽有不善于謀身者亦千百中之一二人而謀身終不足以爲英雄也百工技藝輿臺阜隸下至鳥之養羞鼠之穿墉皆汲汲謀其身不足以爲人異也故惟由一身而推之天下者乃可傑然出人上而爲英雄而與聖賢之旨合焉而若漢末英雄記所稱曹操孫權者流特輿阜鳥鼠之善謀其身者耳何足以爲英雄夫英雄之名其不能與聖賢二也洩矣二之者人之私智也非英雄之本旨也英雄之本旨仁而已矣仁則英雄不仁則不英雄又何疑

聖賢英雄論二

難者曰聖賢王也英雄霸也王之外有霸何可廢也亦何可合也子曰霸者身足爲英雄乎卽以爲英雄然而齊桓之霸也在滅譚遂乎在九合不以兵車乎以滅譚遂爲霸也則戰國之七雄皆霸矣以九合不以兵車爲霸也則霸者亦不能不師聖賢矣故謂英雄不盡如聖賢之純則可謂英雄立于聖賢之外則不可且聖賢英雄者何亦人而已矣使必爲人所不忍爲不敢爲爾始可以爲英雄則先已不足爲人而又何英雄之有是故英雄非齊桓之流也就世俗之以霸爲英雄而論之也就世俗之以霸爲英雄而論之而齊桓猶恃九合之不以兵車爲英雄而柰何以

謀一身不顧天下爲齊桓所不屑爲者而概以爲英雄也何也英雄亦人而已矣人爲人則聖賢矣英雄矣合矣孟子所謂大丈夫所謂豪傑之士乃英雄也佗日又曰仁也者人也盡之矣

聖賢英雄論三

天下亦有襲取聖賢之仁適足以累事而爲英雄之所乘者故天下樂道英雄之人百倍于樂道聖賢春秋之宋襄楚成有明之惠帝成祖遠近可鑒也而亦不然宋襄明惠非聖賢也不過假其名以相高而其仁不盡則其智不周因爲姦猾之所乘耳故宋襄明惠可以謂之迂謬而不可

謂之聖賢楚成明成可以謂之姦猾而不可謂之英雄以迂謬當姦猾未有不爲其所乘者身得謂聖賢之力不如英雄之鉅也且人徒以宋襄明惠爲戒而不知以楚成明成爲大戒彼一則爲逆子所殺一則寵逆子而守祧之賢子幾不免于殺英雄之得禍豈淺鮮哉人之言曰聖賢違時英雄識時庸詎知外乎聖賢之英雄卽姦猾卽亂臣賊子而終猶不免于禍也此論不明史冊之人品分道而不能畫一無以論古人無以處一身禍且蔓延于百世而無盡信乎聖賢英雄之論不可以不合而一之也何以一之曰自古及今無所爲英雄也聖賢而已矣孔子曰道二仁

與不仁而已矣

王陽貢禹論

儒臣之道明經爲本諫諍爲用雖然本之中有本焉心術
不慤明經諫諍皆邪慝也漢王陽貢禹少竝稱明經仕各
以諫諍顯然王陽之經術諫疏董仲舒之匹也其諫昌邑
王也謂宜明師居前勸誦在後上論唐虞之際下及殷周
之盛考仁聖之風習治國之道訢訢焉發憤忘食日新厥
德此旣萬世人主之蓍蔡矣其諫宣帝也謂欲治之主不
世出公卿幸遭其時言聽計從然未有建萬世之長策舉
明主于三代之隆者其務在于期會簿書斷獄聽訟所以

牧民者非有禮義科指可世世通行獨設刑法以意穿鑿
是以詐僞萌生刑罰亾極鳴虜三代後二千餘年名臣眾
矣未聞言此者雖周召復生豈有加乎宣帝迂之謝病終
不召無足爲陽恨獨恨班固寡識使與貢禹同傳且謂陽
禹之取舍同也夫禹之取舍豈獨不逮陽陽名臣之冠而
禹邪臣之尤也何以明之禹箴元帝語至繇密帝亦屈意
信嚮之然綜其要不過勸帝裁減服御器物宮女廢馬離
宮苑囿罷采珠玉金銀鑄錢官俾百姓壹歸于農兒七歲
出口錢二十乃算皆儉樸小節非能瀝血陳姦凶使帝赫
然馮怒奮陽剛開羣陰得經義之大者也漢之亾兆于元

帝其害莫大于任石顯殺蕭望之席劓夏生而禹實黨顯
劓望之夏生其爲三公卽顯薦漢之罪人非禹誰也凡爲
人臣者必巧給便佞作姦攬權而後爲小人則小人亦易
除惟諸誦習經術號當代雅儒者亦內耽利祿扳附私人
不使其君知賢不肖之辨而羣小乃盤固不可去國隨以
亾故昔人以爲拂人主易攻權臣難若匡衡張禹孔光杜
欽谷永之徒陰護持王鳳董賢王莽交通比周外假經術
諫諍取重人主皆師貢禹之故智者也唐權載之作辨亾
論力席張禹于貢禹則恕之不知二禹心術一巨皆孔子
所謂色取仁而行違鄙夫患得患失者乃儒者之下流鄉

原之大較其不幸敗露始爲蘇威馮道幸而安居高位以老壽終獲世清名身後褒卹如貢禹者何限作史之人經義不精嚴往往以清平之儒臣寬之豈不謬哉或疑班史劉向石顯傳頗書貢禹陰事于禹傳沒之爲史中互見法不知此大節所繫不可以互見爲隱譏也況王貢兩龔鮑合傳皆清純直節士可以禹躡入哉此卽固闡于大義失身權勢之由也吾斷禹曰邪臣之尤使不得與王陽比爲儒臣史臣者庶悚然于人臣之義無昧其本心哉

夏侯泰初論

心有以一而定者有以不一而定者一而定者守天地萬

物之常不一而定者通天地萬物之變不一而力求其一
聖人無是術也夫聖人之心至靜也至正也然物之卒然
臨于吾前而出于吾所備之外而亦有所不驚非槁木不
可夫聖人之心如物而有所不加任物而有所不損物之
卒然者既過而靜正守其大常不至如庸人之遷流震蕩
則然百方其初聞見時無以異于人也夏侯泰初倚柱作
書疾雷破柱泰初作書如故陪祀魏陵霹靂碎所當之樹
諸人皆伏泰初顏色不變泰初非卒然臨之而不驚者耶
曰此泰初之心之定也定不定觀諸物至之後而非物卒
至之時使泰初驚而跌宕不能止則庸人也并謂其不驚

者將使天下以槁木之心坳于宗然不動之義而彊制其
心之說起曰泰初其淡于聖道者邪曰否泰初能定其心
而不能充其心能定其心故刑戮在前而鍾會不得求之
以爲友生死在頃刻而不變其舉止容色不能充其心故
知子元子上之不能容而濡忍不能避欲以身衛國鉏茲
人又不知李豐之不可以集事而罹其凶傅嘏譏其志大
才淺者皆泰初之不能充其心而馮子明哲保身懼事成
謀之義者也然則能定其心又當充其心其于世也乃安
然而無恐若彊制其心遏抑既久喜怒哀樂之本然皆制
之不一動天下非常哉變之至視之漠如矣此豈小故哉

昔蘇子瞻少作夏侯泰初論謂人能碎千金之璧而不能
無失聲于破繒能搏猛虎而不能無變色于蜂蠆不一之
患也然吾懼其將以彊制爲一非聖人之所許也若夫聖
人遇迅雷則必變而泰初則神色自若而無疑泰初之學
過于聖躬蓋不能敬天以治心知不變之爲定而不知變
之所以爲定者乃其與天地萬物相流通者也茲泰初之
所以不能充歟